

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
SLUŽBA ZA IMOVINSKO-PRAVNE, GEODETSKE
POSLOVE I KATASTAR NEKRETNINA
- Odsjek za imovinsko-pravne poslove -

Broj: 04-27-23922/21
Zenica, 06.04.2022. godine

GRADSKO VIJEĆE ZENICA
(putem Stručne službe Gradskog vijeća)

PREDMET: Prijedlog Zaključka, dostavlja se

Poštovani,

U prilogu ovog akta dostavljamo vam Prijedlog Zaključka o izmjeni Zaključka broj: 01-45-23922/21 od 18.11.2021. godine, radi razmatranja istog na narednoj sjednici Gradskog vijeća Zenica.

Uz navedeni prijedlog zaključka dostavljamo vam i kopiju Zahtjeva Kantonalne direkcije za ceste Ministarstva za prostorno uređenje, promet i komunikacije i zaštitu okoline ZDK broj: 12/08-23-14371-1/21 od 16.12.2021. godine, a povodom kojeg je i sačinjen isti prijedlog.

S poštovanjem,



POMOĆNIK GRADONAČELNIKA

Emir Delić, dipl. pravnik

DOSTAVLJENO:

1x Naslov

1x Služba za imovinsko-pravne, geodetske
poslove i katastar nekretnina
(Odsjek za imovinsko-pravne poslove)

1x a/a

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE

OBRADIVAČ:
Služba za imovinsko-pravne, geodetske
poslove i katastar nekretnina

PRIJEDLOG

ZAKLJUČAK

o izmjeni Zaključka broj: 01-45-23922/21 od 18.11.2021. godine

Zenica, april, 2022. godine

Na osnovu odredbe člana 21. tačka 7) i odredbe člana 103. stav (2) Statuta Grada Zenica („Službene novine Grada Zenica“, broj: 5/15) te odredbe člana 44. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), Gradsko vijeće Zenica, na _____ sjednici, održanoj dana _____ godine, donijelo je

ZAKLJUČAK

o izmjeni Zaključka broj: 01-45-23922/21 od 18.11.2021. godine

1. U Zaključku Gradskog vijeća Zenica broj: 01-45-23922/21 od 18.11.2021. godine mijenja se tačka 2. dispozitiva i ista ubuduće glasi: „Parcele obuhvaćene projektom modernizacije regionalne ceste R 445 – GGM II faza su:

- **k.č.n.p. 302/5**, zv. „Rudnik“, po kulturi „Oranica/Njiva“ 2. klase, površine 211 m², upisana u PL broj 253 KO Raspotočje, kao posjed Grada Zenica sa 1/1 dijela, kojoj parceli novog premjera po starom premjeru odgovara parcela k.č.s.p. broj: 635, zv. „Odmutsko polje“, po kulturi „Pašnjak“, površine 220 m², upisana u ZK uložak broj: 1356 KO SP_Raspotočje, kao vlasništvo Grada Zenica sa 1/1 dijela i
- **k.č.n.p. broj: 1783/1**, zv. „Uzana pruga – stara“, po kulturi „Ostalo neplodno zemljište“, površine 37 237 m², upisana u PL broj 253 KO Raspotočje, kao posjed Grada Zenica sa 1/1 dijela, kojoj parceli novog premjera odgovara dio parcele starog premjera k.č.s.p. broj: 467, zv. „Put“, po kulturi „Put“, površine 19510 m², upisana u ZK uložak broj: 1352 KO SP_Raspotočje, kao javno dobro iz Iskaza I KO Raspotočje.

2. Ovaj zaključak stupa na snagu danom donošenja istog.

Obrazloženje

Na 16. sjednici, održanoj dana 18.11.2021. godine, Gradsko vijeće Zenica donijelo je Zaključak broj: 01-45-23922/21, kojim se Kantonalnoj direkciji za ceste Ministarstva za prostorno uređenje, promet i komunikacije ZDK daje saglasnost za izvođenje radova rekonstrukcije i modernizacije regionalne ceste R 445 Lašva – Zenica II faza vangradske magistrale GGM u dužini od 1 km.

Tačkom 2. dispozitiva označenog zaključka utvrđeno je da je Spisak parcela koje su obuhvaćene projektom modernizacije R 445 – GGM II faza njegov sastavni dio.

Potom se Službi za imovinsko-pravne, geodetske poslove i katastar nekretnina Grada Zenica obratila gore navedena kantonalna direkcija Zahtjevom broj: 12/08-23-14371-1/21 od 16.12.2021. godine, kojim se traži ispravka gore označenog zaključka, iz razloga što je u dostavljenom spisku parcela, a koji je činio sastavni dio istog zaključka,

učinjena tehnička greška, na način što je greškom u pisanju upisana, inače nepostojeća parcela k.č.n.p. broj: 1783, umjesto parcele k.č.n.p. broj: 1783/1 iz PL broj 253 KO Raspotočje.

Temeljem razmatranja predmetnog zahtjeva te obavljenih konsultacija između postupajuće gradske službe za upravu i podnosioca zahtjeva, utvrđeno je da u istom zahtjevu ponovo učinjena greška u pogledu oznake parcele po starom premjeru koja odgovara parceli novog premjera k.č.n.p. broj: 302/5 iz PL broj 253 KO Raspotočje, a koja je umjesto k.č.s.p. broj: 635, upisana kao k.č.s.p. broj: 636. Također, podnosilac zahtjeva je odustao od dijela svog zahtjeva koji se odnosi na parcelu k.č.n.p. broj: 302/1, upisanu u PL broj 253 KO Raspotočje, s obzirom da je za istu data saglasnost ranijim zaključkom Gradskog vijeća.

Imajući u vidu sve naprijed navedeno, po podnesenom zahtjevu riješeno je kao u dispozitivu ovog zaključka.

Broj: 01- _____ /22
Zenica, _____ godine

**PREDSJEDAVAJUĆI
GRADSKOG VIJEĆA**

Mirza Husetić

DOSTAVLJENO:

- 1x Gradonačelnik Grada Zenica
(putem Službe kabineta Gradonačelnika)
- 1x Ministarstvo za prostorno uređenje, promet i komunikacije i zaštitu okoline ZDK – Kantonalna direkcija za ceste
- 2x Služba za imovinsko-pravne, geodetske poslove i katastar nekretnina
- 1x „Službene novine Grada Zenica“
- 1x Stručna služba Gradskog vijeća
- 1x a/a

O B R A Z L O Ž E N J E

I PRAVNI OSNOV

Pravni osnov za donošenje prijedloga ovog zaključka sadržan je u sljedećim propisima:

- *odredbi člana 21. tačka 7) i odredbi člana 103. stav (2) Statuta Grada Zenica („Službene novine Grada Zenica“, broj: 5/15), kojima se propisuje nadležnost Gradskog vijeća Zenica u upravljanju i raspolaganju imovinom Grada Zenica i*
- *odredbi člana 44. Poslovnika Gradskog vijeća („Službene novine Grada Zenica“, broj: 4/17, 4/20 i 10/21), kojom se propisuje da Gradsko vijeće zaključkom zauzima stavove i izražava mišljenja o pitanjima o kojima je raspravljalo te daje saglasnost ili potvrđuje pojedine akte, kada je to propisom određeno.*

II RAZLOZI DONOŠENJA

Razlozi zbog kojih se predlaže donošenje ovog zaključka sadržani su i detaljno izneseni u dijelu njegovog obrazloženja.

III OBRAZLOŽENJE SKRAĆENOG POSTUPKA

Ovaj akt podnosi se u formi prijedloga, po skraćenom postupku u skladu sa odredbama člana 69. Poslovnika Gradskog vijeća („Službene novine Grada Zenica“, broj: 4/17), s obzirom da isti ne podrazumijeva složenu i obimnu pravnu regulaciju te da se njime mijenja ranije doneseni zaključak Gradskog vijeća.

1663

Bosna i Hercegovina
Federacija Bosne i Hercegovine
ZENIČKO – DOBOJSKI KANTON
MINISTARSTVO ZA PROSTORNO UREĐENJE,
PROMET I KOMUNIKACIJE I ZAŠTITU OKOLINE
KANTONALNA DIREKCIJA ZA CESTE



Broj: 12/08-23-14371-1/21
Zenica, 16.12.2021.godine

GRAD ZENICA
GRADSKO VIJEĆE

Putem Službe za imovinsko-pravne, geodetske poslove i katastar
Trg BiH 6 Zenica

343/21-5912

Bosnia and Herzegovina
Federation of Bosnia and Herzegovina
ZENICA – DOBOJ CANTON
MINISTARSTVO ZA PROSTORNO UREĐENJE I
KOMUNIKACIJE I PROMET I ZAŠTITU OKOLINE
KANTONALNA DIREKCIJA ZA CESTE
GRAD ZENICA
SLUŽBA ZA OPĆU UPRAVU
ZENICA

PRIMLJENO 17-12-2021 885			
Organizaciona jedinica	Klasifikaciona oznaka	Redni broj	Broj priloga
04	27		

PREDMET: Ispravka Spiska parcela obuhvaćenim Saglasnosti za izvođenje radova rekonstrukcije i modernizacije regionalne ceste R445 Lašva Zenica - II faza vangradske dionica Glavne gradske magistrale GGM u dužini od 1 km

Poštovani,

Molimo Vas da izvršite ispravku broja parcele na Spisku parcela koje je biti obuhvaćene projektom izvođenja radova rekonstrukcije i modernizacije dijela regionalne ceste R445 dionica Lašva-Zenica u dužini od 1 km, a koja se odnosi na II fazu modernizacije vangradske dionice Glavne gradske magistrale, za što je Gradsko vijeće Zenica donijelo Zaključak broj: 01-45-23922/21 od 18.11.2021. godine.

Naime, u Zahtjevu se desila tehnička greška u broju parcele pod rednim brojem 13. na Spisku parcela koje će biti obuhvaćene projektom.

U tom smislu želimo uputiti Ispravku Spiska parcela koje će biti obuhvaćene projektom, tako da se broj parcele "1783" (novi premjer broj Posjed.lista 253) mijenja u broj parcele "1783/1".

Dakle, spisak parcela u dijelu pod rednim brojem 3. treba glasiti kako je navedeno u slijedećoj tabeli:


Katastarska Općina: RASPOTOČJE				
Redni broj	Broj		Broj	
	Z. K.uložka	Parcele	Posjed.lista	Parcele
1.	1348	613	253	302/11
2.	179	636	253	302/5
3.	1352	dio 467	253	1783/1

Ističemo da smo Vam kao prilog Prijedlogu od 03.11.2021. godine za utvrđivanje javnog interesa za eksproprijaciju nekretnina u ovom projektu dostavili Elaborat eksproprijacije (geodetsko-katastarski plan područja eksproprijacije, katastarski i gruntovni podaci o nekretninama za koje se predlaže utvrđivanje javnog interesa, cilj eksproprijacije i dr.), izrađen oktobra 2021.godine, a kojeg je izradio Consilium d.o.o. Kakanj, a u kojem je naveden ispravan broj parcele "1783/1".

S poštovanjem,

Dostavljeno:
1x Naslov
1x Arhiva

Obrađivač akta:
Elmedin Bašić



DIREKTOR
po ovlaštenju ministra
Rasim Kovač